



FONDACIJA  
ZA IZDAVAŠTVO  
SARAJEVO

Na osnovu člana 8. Statuta Fondacije za izdavaštvo V broj: 541/08, br. 02-147/09, 02-278/09, 04-3-101/2020 i 04-1-2-53/25 i u skladu sa čl. 34. Pravilnika o procedurama i kriterijima Fondacije za izdavaštvo broj: 04-1-3-99/25, Upravni odbor Fondacije za izdavaštvo, na 11. sjednici Upravnog odbora održanoj 3.12.2025. donosi

**POSLOVNIK**  
**o radu žirija za izbor korisnika sredstava za oblasti Podrška izdavačima za objavljivanje knjiga, Periodika i Plasman i promoviranje knjige i autora**

Član 1.

Ovim Poslovnikom uređuju se prava i obaveze članova žirija za izbor korisnika sredstava za oblasti Podrška izdavačima za objavljivanje knjiga, Periodika i Plasman i promoviranje knjige i autora.

Član 2.

Žiri odlučuje u punom sastavu na sjednicama, a sjednice održava prema potrebi. Članovi žirija vode zapisnik sa svih sjednica žirija i evidentiraju bodovanje rukopisa, uključujući obrazloženje dodijeljenih bodova i dostavljaju članovima Upravnog odbora Fondacije.

Sjednice žirija saziva predsjednik žirija.

Član 3.

Svaki član žirija dužan je pregledati sve prispjele prijave koje zadovoljavaju uslove Konkursa.

Član 4.

Odabir programa i projekata vršit će se u skladu s usvojenim Općim i Posebnim kriterijima. Opći kriteriji su navedeni u Članu 6. i Članu 7. Pravilnika o procedurama i kriterijima za izbor korisnika i dodjelu sredstava Fondacije za izdavaštvo a posebni su precizirani u Članovima 8, 9, 10, 11 i 13 pomenutog Pravilnika.

## Član 5.

Žiri je obavezan da izvrši bodovanje najboljih prijava koji će dobiti predviđene stimulacije/nagrade i o tome donese prijedlog odluke sa obrazloženjem.

U slučaju sukoba interesa proisteklog iz članstva u nekom tijelu ili organu, ili ličnim odnosom s nekom osobom ili institucijom, a u vezi sa predmetom rasprave i odlučivanja član žirija obavezan je obavjestiti ostale članove žirija. U slučaju sukoba interesa žiri ne može odlučivati o tom predmetu.

Broj izabranih projekata određuje se zavisno od predviđenih sredstava za nagrade.

## Član 6.

Prijedlog odluke žirija konačno verificira Upravni odbor Fondacije za izdavaštvo, nakon što ocijeni da je žiri radio u skladu sa Poslovníkom o svom radu.

## Član 7.

Do objavljivanja rezultata Konkursa imena članova Žirija neće biti objavljena u javnosti.

## Član 8.

Predsjednik i članovi žirija će za svoj rad primiti naknadu u skladu sa Pravilnikom o naknadama na poslovima Fondacije za izdavaštvo i odlukom Upravnog odbora.

## Član 9.

Ovaj poslovnik stupa na snagu danom donošenja.

Broj: 04-1-3-107/25  
Sarajevo, 3.12. 2025. godine

PREDSJEDNIK  
UPRAVNOG ODBORA

Mario Mikulić